



Broj: 02-04-2-303751/24  
Goražde, 04.09.2024 godine

Na osnovu člana 70. Zakona o javnim nabavkama ("Službeni glasnik BiH" br. 39/14, 59/22, 50/24) u postupku javne nabavke radova na uređenju grada i prigradskih naselja Grada Goražda za 2024. godinu, Gradonačelnik Grada Goražda donosi:

## **O D L U K U**

### **o poništavanju postupka javne nabavke radova na uređenju grada i prigradskih naselja (lot 5)**

#### I

Ovom Odlukom poništava se postupak javne nabavke radova na uređenju grada i prigradskih naselja, lot 5 – Nabavka radova na uređenju grada i prigradskih naselja Grada Goražde za 2024. godinu – MZ Goražde Vitkovići.

#### II

Postupak nabavke se poništava zbog toga što je cijena ponude koja je dostavljena znatno veća od osiguranih sredstava za ovu nabavku što je u skladu sa članom 69. stav 2. tačka e. Zakona o javnim nabavkama.

#### III

Ova Odluka će se objaviti na web stranici Grada Goražda [www.gorazde.ba](http://www.gorazde.ba) sa istovremenim upućivanjem ponuđaču koji je učestvovao u ovom postupku javne nabavke.

## **O b r a z l o ž e n j e**

Gradonačelnik Grada Goražda je dana 05.08.2024. godine donio Odluku o pokretanju postupka javne nabavke radova na uređenju grada i prigradskih naselja Grada Goražda za 2024. godinu broj 02-04-3-3037/24. Navedenom Odlukom je određeno da će se javna nabavka po sljedećim lot-ovima:

- Lot 1 - Radovi na uređenju grada i prigradskih naselja Grada Goražda za 2024. godinu – MZ Goražde I,
- Lot 2 - Radovi na uređenju grada i prigradskih naselja Grada Goražda za 2024. godinu – MZ Goražde II,
- Lot 3 – Radovi na uređenju grada i prigradskih naselja Grada Goražda za 2024. godinu – MZ Goražde III,
- Lot 4 - Radovi na uređenju grada i prigradskih naselja Grada Goražda za 2024. godinu – MZ Goražde IV,
- Lot 5 - Radovi na uređenju grada i prigradskih naselja Grada Goražda za 2024. godinu – MZ Vitkovići, provesti putem otvorenog postupka nabavke.

Na osnovu navedene odluke objavljeno je Obavještenje o javnoj nabavci broj 413-1-3-65-3-68/24 na portalu javnih nabavki dana 08.08.2024. godine. Tenderska dokumentacija za ovu nabavku je objavljena takođe na portalu javnih nabavki i istu je preuzelo 5 zainteresiranih dobavljača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 29.08.2024. godine.

Komisija za provođenje procedure predmetne javne nabavke je dostavila Izvještaj u kojem je utvrđeno da je za nabavku radova na uređenju grada i prigradskih naselja za lot 5 – Nabavka radova na uređenju grada i prigradskih naselja za 2024. godinu – MZ Vitkovići, u određenom krajnjem roku za dostavljanje ponuda, dostavljena samo jedna ponuda i to ponuda ponuđača „Okac” d.o.o. Goražde.

Komisija je konstatovala da ponuda ponuđača „Okac” d.o.o. Goražde ispunjava uslove za učešće u pogledu lične situacije, sposobnosti za obavljanje profesionalne djelatnosti kao i tehničke i profesionalne sposobnosti, ali da je cijena ponude navedenog ponuđača u iznosu od 34.214,65 KM bez uračunatog PDV-a značajno veća od procjenjene vrijednosti nabavke, kao i od visine sredstava koja su osigurana za ovu nabavku, shodno čemu je dostavljena ponuda ocjenjena kao neprihvatljiva za ugovorni organ.

Imajući u vidu da je cijena dostavljene ponude značajno veća od procjenjene vrijednosti za ovu nabavku koja iznosi 24.180,36 KM bez uključenog PDV-a Komisija je predložila da se postupak nabavke radova na uređenju grada i prigradskih naselje za 2024. godinu – MZ Vitkovići, poništi.

Na osnovu navedenog, a u skladu sa članom 69. stav 2. tačka e. Zakona o javnim nabavkama, odlučeno je kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 10 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Uz žalbu je potrebno dostaviti dokaz o plaćenju naknadi za pokretanje žalbenog postupka.

Akt sačinila: Elvira Tirović  
Kontrolisao: Berin Kulelija



DOSTAVITI:

1. Ponuđaču,
2. Web stranica,
3. u spis,
4. a/a